

**Dissertatio inauguralis medica, de panacea ... / auctor respondens
Matthias Institoris.**

Contributors

Institoris, Mátyás, mossóczi, 1708-1763.
Alberti, Michael, 1682-1757.

Publication/Creation

Halae Magdeburgicae : Typis Joh. Christiani Hendelii, [1730]

Persistent URL

<https://wellcomecollection.org/works/wn3pw8qj>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSE^TAT^O IN^AUG^UR^AL^IS MEDIC^A,
DE
PANACEA

34

Quam,

AUSPICE DEO PROPITIO,

Et Consensu atque Auctoritate Gratiæ Facultatis Medicæ,

IN ALMA REGIA FRIDERICIANA,

P RÆS I D E

N. D. MICHAELE ALBERTI

CR. MAJ. REG. BORUSS. AULICO ET CONSIST. MAGDEB. CON
ILIARIO, MED. ET PHILOS. NATUR. PROFESSORE PUBL. ORDIN. ACAD.
NAT. CUR. COLLEGA, SOCIET. REG. BORUSS. SCIENT. SODALI, ETC.

DECANO SUO SPECTATISSIMO,

Domino Patrono ac Promotore suo omnibonoris cultu prosequendo,

PRO LICENTIA,

UMMISQUE IN MEDICINA HONORIBUS ET PRIVILE
GIIS DOCTORALIBUS LEGITIME IMPETRANDIS,

HORIS LOCOQUE CONSVENTIS,

ANNO MDCCXXX. D. SEPTEMBR.

Publicæ ac placide eruditorum ventilationi subjiciet

AUCTOR RESPONDENS

MATTHIAS INSTITORIS,

NOBILIS HUNGARUS NEOSOLIENSIS.

HALÆ MAGDEBURGICÆ,

TYPI^S JOH. CHRISTIANI HENDELII, ACAD. TYPOGR.

EXCELENTISSIMO, AMI DISSIMO NOBISISSIMO,
EXPERIENTISSIMO DOMINO,

D O M I N O
CAROLO OTTON
MOLLER,
MEDICINÆ DOCTORI,
NCLYTORUM COMITATUUM ZOLIENSIS E
THUROCIENSIS PHYSICO ORDINARIO,
NEC NON
LIBERÆ REGIÆ MONTANÆQUE CIVITATIS
NEOSOLIENSIS
SENATORI SPECTATISSIMO GRAVISSIMOQUI
UT ET PER PLURES HUNGARIÆ COMITA-
TUS PRACTICO CELEBERRIMO,

PATRONO ET FAUTORI SUO
ÆSTUMATISSIMO,

D. D. D.

A U T H O R.



Q. D. B. V.

PROOEMIUM.



I quis vires intellectus sui,
perscrutandis rebus, a summo
sapientissimoque Architecto cre-
atis, consecrare velit, amplissi-
mum inveniet campum, in ipsa
in primis contemplatione ordi-
nis, quo mediante, quicquid in
hoc Universo deprehenditur conservatur. Ut enim
paucis saltem rem illustrem. Quis non videt, omnia
sidera, globumque terræ, certo tempore, certoque
modo motum suum absolvere. Animalium, vege-
tabilium, minerarum & metallorum durissimorum
generatio ac maturatio, a certis causis, tempore, mo-
doque cuilibet convenienti ac proprio dependet. Cuin
vero de singulis his agere prolixum foret, unicui sal-
tem hac vice, hominem scilicet, tanquam obje&tum
artis Medicæ ad considerandum proponam. Hujus

A. 2

actio-

actiones non modo animales, sed & vitales, ut secundum certam regulam fierent Divino Numini placuit. Concessit ei præ reliquis animalibus præstantissimum illum thesaurum rationis, eidemque simul Legem Naturalem, ceu normam actionum, indidit. Anima præterea, corpus sibi commissum secundum certas regulas alit, nutrit, conservat, læsumque pristinæ sanitati restituere conatur. Cum autem non semper scopum hunc consequi poterit, Medico, tanquam Naturæ Ministro incumbit, ut illi succurrat, quod nulla ratione felicius suscipit, quam, si ordinem Naturæ consuetum sequutus fuerit. Irritus quapropter vanusque est illorum conatus, qui corpus humanum a quacunque causa læsum, unico solummodo remedio, indiscretim sanitati restituere adlaborant. Diversissimas enim esse causas, quæ corpori nostro noceare possunt, nemo ignorat; hinc diversi quoque effectus, diversa remedia exposcunt. Vanitatem itaque illorum, qui Medicinam ejusmodi Universalem seu PANACEAM, proprie sic dictam statueré atque defendere non erubescunt, declaratus, constitui dissertatione hac 1) Naturam & in-dolem Panaceæ quadantenus exponere, & 2) impossibilem ejus existentiam ex fundamentis Medicinæ demonstrare. DEUS vero T.O. M. gratia sua adsit, ut propositum hoc meum in ejus gloriam, patriæque emolumentum cedat.

Ordo itaque, antiquis anima rerum dictus, requiri, ut antequam ad tractationem ipsam materialē dissertationis hujus me accingam, vocis Panaceæ *εὐμον* paucis exponam. Est vero vox hæc, ut & aliæ denominationes quamplurimæ in scriptis & scholis Medicorum frequenter occurrentes, græca, & quidem ex *παν*, omne, & *άνεομαι*, sano, medeor, composita. Ita, ut vi vocis nihil aliud denotet, quam medicamentum universale, contra omnes morbos, ex quacunque causa ortos.

§. II.

Patet jam vel ex ipso saltem vocis significatu, speciosum, imo nullo pretio redimendum medicamentum hoc futurum, modo in rerum natura existentia quædam ei concedi posset. Sed quemadmodum circa alias res quamplurimas magnus quotidie abusus observatur, ita nullo tempore defuerunt, qui non in arte in primis salutari, vel circa terminorum technicorum usum, vel ipsas inventiones & compositiones medicamentofas, hallucinati fuissent. Error autem hic, partim ignorantiae, partim malitiæ hominum istorum adscribendus est. Hæc eos impellit, ut sub specioso Panacearum nomine merces suas eo citius divendere, vel etiam, ut hac ratione orbi innotescere possint. Legimus quidem in antiquissimis Medicorum scriptis, vocem hanc jam illis temporibus in foro medico fuisse receptam, nunquam tamen proprio sensu sumtam, ut scilicet indifferenter contra omnes morbos prodesse crederetur medicamentum nomine hoc insignitum. Ita pri scis temporibus variæ compositiones a potiori & καὶ ξε-

xv sic denominatae fuerunt, quod nimis plurimis, sed non omnibus morbis mederentur. Galeno (*a*) antidotus quedam Panacea dicta fuit; ut & alia, quae & stichus vocabatur. (*b*) Alibi emplastrorum meminit, eodem nomine insignitorum, e. g. Epuloticon Andromachi (*c*) nec non Herae. (*d*) Aurum vero potabile antiquos pro medicina universalis non habuisse, scripta illorum testantur. (*e*) Si enim experientia comprobatum deprehendit, illud omnibus indicationibus satisfacere, injurii fuissent in posteros, quibus relictâ ejusdem vera descriptione, tam facilem, compendiosam & certam curandi viam revelare noluissent. Successu vero temporis, propter multorum ignorantiam & ineptam applicationem, vox hæc in abusum venit; siquidem pluri vires remediiorum non satis accurate inquisiverunt, hinc si præter illorum expectationem prospere cessit, id mox ad universalitatis apicem evexerunt. (*f*) Observavit hoc suo jam tempore Penotus, (*g*) dum rudes ejusmodi sequentibus verbis corripit: Unsere gemeine Rorte der Aerzte, kommen in ihrer einfältigen Thorheit daher gedrollet, nehmen guldene Retten, Gold-Gülden, und dergleichen, glühn die und löschen sie dann ab in einem Wasser, und unterstehen sich einen Gesod-Tranck zu brüddeln,

dass

(*a*) L. II. de Antidot. cap. 1.(*b*) L. VII. de C. M. S. L. c. 2.(*c*) L. II. de C. M. P. G. c. 15.(*d*) L. V. c. 2.(*e*) vid. Arnold. de villa nova, Raymund. Isaacus Hollandus.(*f*) Etemüller Tom. I. pag. 151.(*g*) in tract. cui tit. Theophratissch Vade mecum. pag. 62,

daß dick und dünne durch einander gehet. Es kommt aber gleichwohl bisweilen auch Honig darzu, oder sonst ein gutes Brühlein, geraths wohl, so muß auch Wein dabey seyn zu einer sonderlichen Stärckung derer Spirituum und vornehmsten Haupt Gliedern: Wann nun das hohe Narcanum, darinne das Gold so künstlich abgelöschet, das Saupulicht zur Welt gebohren, so wirds mit einem sonderbahren hohen Tiel und Nahmen getauft, heisset Apobamma. Lieber, sage mir doch einer, woher kommt in diese Rühe Suppen die Stärckung des Hergens, vielleicht von dem Must, so zuvor die Hände an dem Golde kleben lassen, und damit vermischet hat. Nec defunt ætate etiam nostra agyrtæ ejusmodi, circumforaneique, quorum numerus indies ferre augetur, qui que non cessant, ignorantia sua mendaciis que nobilissimam hanc artem conspurcare. Hi enim ut plurimum Panaceas tales se possidere mentiuntur, atque non tantum vulgus, sed illos quoque qui ultra vulgus sapiunt, persuationibus eo adducunt, ut omnem fidem illis adhibeant. Hic in primis locum invenit, notissimum illud dicterium:

*Fingunt se Medicos quivis Idiota, Sacerdos,
Iudæus, Monachus, Histrio, Raso, Anus,
Miles, Mercator, Credo, Nutrix & Arator
Vult medicas varias quivis habere manus.*

Cum vero, per longam satis experientiam, a Medicis demonstratum sit, rationi & experientiæ repugnare sententiam illorum, qui Panaceas statuunt & defendunt; si hinc quis sub Panacearum nomine, remedia Polychresta, non neglecta methodo convenienti, in usum vocet, neminem contrarium inveniet. Heroica talia remedia ex Cinnabarinis, Antimoniatis, Solaribus, Mercurialibus

libus &c. parantur. (i) Frequenti hinc in usu adhuc est vox hæc Panaceæ Medicis ætatis nostræ celeberrimis. Ita Cel. D. D. Fr. Hoffmannus, (k) Aquæ simplici hoc elogium tribuit, eamque medicinam universalem compellat. Essentia dulcis Hallens. per totam fere Europæam celebris, quatenus in omnibus morbis tanquam cordiale & confortans tuto propinatur, ita, ut licet non semper, variantibus nonnunquam circumstantiis, finem exoptatum assequatur, nunquam tamen damnum etiam aliquod corpus ex ejus congruo usu capit. (l)

§. III.

Hujus autem remedii Universalis denominatio, quam hactenus paucis vidimus, magis ab effectu est desumpta, quem in propulsandis omnis generis morbis exercet. Videamus porro Synonyma ejusdem, quæ potius subiectum respiciunt, ex quo Panchrestum hoc medicamen paratur. Hæc vero non minus ac Aurum ipsum speciosa sunt. Sic enim communiter Arcanæ Philosophiæ addictis, Lapis Philosophorum audit, quiique hunc adepti sunt, præstantissimam medicinam possident, omnibus metallis infirmisque simul proficuum. (m) Et,

*Confectus Lapis omnigenæ Rex ille medelæ
Invictis Panacea potens virtutibus una
Quæ non est toto Medicina salubior orbe,*

Pneuma-

(i) vid. Wedelius in compend. Chym. p. 208.

(k) in Dissert. de Aqua Medicina Universali anno 1712. ed.

(l) vid. D. Richteri tract. Erkäntniß des Menschen, Part. II. p. 726.

(m) Secundum testamentum Hadrianeum.

Pneumatica partes penetrans vi corporis omnes

Sumpta vel unius saltum sub pondere grani. (n)

Et cum medicamentum hoc ipsam animam auri in se continere putatur, h. e. a Sulphure ejusdem fixissimo reliqua duo principiata, Sal scilicet & Mercurium, purissimum, vinculo fere indissolubili concretente, imprægnari, Tinctura dicitur Auri, Essentia Solaris, Elixir Solare, Aurum potabile, Quinta essentia Auri, arcanum Sulphuris, Auri. Hadriano a Mynsicht (o) Unicornu Solare dicitur. Quercetano audit Aurum vitæ, Laudanum Mercuriale Bayero, & quæ sunt aliæ denominationes quamplurimæ, propter diversos & peculiares modos parandi, singulis Authoribus proprios, admodum variantes.

§. IV.

Præmissis his, videndum porro, quale medicamentum primi impositores proprie sub nomine Panaceæ intellectum voluerint. Quod optime sieri posse existimo, data definitione reali, naturam ejusdem genuinam comprehendentem. Est vero *naranxa* secundum mentem illorum, remedium contra omnes impetus morbosos, ex quacunque causa ortos, directum, ex substantia Solari Sulphurea, aut mineris ad auri naturam propius accendentibus, paratum, ut beneficio ejusdem, non tantum causæ præsentes morbificæ cito, tuto & jucunde debelliari, sed imminentes quoque declinari possint, adeo, ut corpus animale semper in debita sua temperie permaneat. Dixi, esse remedium universale, quo ipso reliqua polychresta, specifica, exclu-

B duntur.

(n) Sub finem ejusdem.

(o) in Armament. Med. Chym p. 4.

duntur. Sed, quemadmodum Panchresta, sine ullo ratione convenienti fundamento statuuntur, uti paulo infra sum demonstraturus, ita nec de his posterioribus asseri potest, ea secundum mentem vulgi medicorum, sine ullo habitu respectu ad subjecta, aetatem, temperamentum &c. pluribus aut unico saltem morbo, vel certae cuidam corporis parti, certissimum ac plane divinum adferre auxilium posse. Placet hac de re, verba Celeb. D. D. Hoffmann. (p) in medium proferre: *bujus generis remedia, inquit, ac Panaceæ, quæ certissimos ac exoptatissimos semper præstent effectus in curatione morborum, nullatenus dantur.* Neque extare medicamenta, quæ omnibus, fatis faciunt morbi indicationibus certo colligi potest, quia non tantum pro dispositione humorum causæ unius morbi variæ & discrepantes, sed & indicationes auxiliorum sunt diversissimæ:

§. V.

Quum vero materia, de qua agere suscepi, examini quoque chymico subjicienda est, e re mea esse arbitror, hac prius via, in naturam indolemque ejus esse inquirendum. Pergo itaque ad ipsam materiam Auri, qua reclusa præstantissimam illam, & tot tantisque elogiis a filiis sapientiae decantatam medicinam, parare conservaverunt. Auri metallum hic intelligo, quodcunque, sive illud sit nativum aut artificiale, modo genuinas Auri qualitates vere possideat, ut nimicum sit corpus purissimum, pondere reliqua metalla superans, maxime ductile atque fixum, coloris flavi. Purissimum sit oportet, nullis heterogeneis partibus

(p) in Diss. de Medicamentis Specific. eorumque agenti modo habit. 1694.

bus inquinatum: quod facile ex colore & gravitate cognoscere licebit. Omnia quippe metalla ignobiliora pondere superat, ob Mercurium defæcatissimum, densissimumque. Nam, quemadmodum Sal, quo & Aurum uti reliqua metalla gaudet, corpori ejusdem intime est. junctum, ut non facile ob acidam suam naturam a quavis humiditate solvatur, a reliquis principiis sibi associatis disjungatur, inque crocum seu rubiginem convertatur; ita Mercurius quoque ob anguitissimos poros & vinculum, quo cum sulphure purissimo est connexum, in ipso quoque igne culinari vehementissimo, in altum non adscendit. Ex hoc fundamento etiam patet, aurum secus ac alia metalla, ob principium suum mercuriale compactissimum, Mercurio communi injectum, fundum petere. Non defuerunt hic nonnulli, qui elementum in primis Salinum auri, ut & omnium reliquorum metallorum in dubium vocare ceperunt, statuebantque, metalla nil aliud esse, quam secundum Wedelium (*q*) Mercurium vario charactere diversificatum. Sed maximopere falluntur. Licet enim nullam mentionem Salis faciat, id tamen eo ipso non excludit, dum Sulphur Vitriolicum admittit. Sulphur hoc aliis substantia dicitur terrestris, Becchero lapis fusilis audit (*r*). Interim cum industria experientissimorum virorum in scientia naturali tantos progressus fecerit, ut experimentis institutis ad oculum demonstrari possit, aurum in se verum Sal fovere, hodie neminem amplius de eo dubitare perswasus sum. Unicum illud experimen-

(*q*) *Pharmaciæ acroamaticæ* p. 85.

(*r*) *Physic. subterrani*, L. I. Sect. III. c. 2.

tum ope speculorum causticorum Tschirnhusii a Dn. Hombergero institutum (s) omnes contradicentes refutat. Horum quippe beneficio, auri corpus, vinculo prius Sulphuris per radios solis concentratos disrupto, in vitrum albescens convertitur, manifesto indicio Sal eidem inesse. Ad vitrum enim qualemque producendum Sal & terram requiri, neminem latet. Sed cum materia hæc jam ab aliis fusius sit pertractata in variis scriptis, eidem diutius immorari supersedeo. Consuli interim protest de Sale Vitriolico Auri Basilius Valentinus Boyle (t) ope Salinæ cujusdam substantiæ Crystallos auri se impetrasse, perhibet, quarum etiam Bohnius (u) meminit. In primis autem legi meretur dissertatio D. Rothii Pract. Lips. de Salibus metallicis.

§. VI.

Ad corpus itaque auri compactissimum solidissimumque destruendum, inque sua principia reducendum mileni modi procedendi ab authoribus traduntur, librique de illis fere innumeri prostant, a quorum tamen lectione saepe quis indoctior & impedito atque obfuscato magis intellectu recedit. Hinc etiam saepissime fit, ut plurimi, nescio quales, thesauros in scriptis ejusmodi obscuris se invenire posse arbitrentur, & si unam vel alteram locutionem hieroglyphicam reserarint, atque intellexerint, nullo labore, nullis sumptibus parcant, eventu tamen saepissime in contrarium cedente, adeo ut auro nimium vo-

latili-

(s) Histor. Acad. Paris. an. 1702. p. 47.

(t) in Chymist. scept. p. 14.

(u) diss. chym. XI. §. 6.

latilisato, n̄imiumque exaltato, nil nisi fumum, nulla vestigia auri fixi relinquenter, cernere possint. In eo conveniunt omnes, ut ante omnia aurum ab impuritate externa vel admixtis peregrinis particulis metallicis, purgetur, mediante vero quo id peragi debeat, plurimi variant. Quibus enim artifex modum sibi consuetum laudat aliisque commendat. Habent itaque nonnulli in more, ut cementatione ab eodem separent cuprum. Alii cupellatione metalla impiora, præter argentum, ab auro abigunt. Quartationem porro quidam in usum vocant, ubi aurum cum triplo vel quadruplo argenti miscetur, granulatur, tandemque Aqua Forti dissolvitur. In primis vero methodus Basil. Valentini commendatur, qua aurum beneficio Antimonii purificatur, qua de causa etiam lupus ab eodem dicitur. Hunc laborem excipit alter, scilicet amalgamatio secundum eundem authorem qui sex labores statuit, sequentibus verbis: **Sechs Städte** (h. e. Sex labores) durchwandelt der König, am himmlischen Firmament, aber in der Siebenden behält et seinen Siz. Denn der Königliche Saal ist daselbst mit guldeneen Stück'en behangen. Amalgamatione peracta solvitur; posthæc destillatur & volatilisatur, a menstruo liberatur, coagulatur, invisibleque antea redditur visibile, tandem reducitur atque ad Tincturam extrahendam adaptatur. Angelo Salæ tribus actibus totus processus absolvitur 1) calcinatione 2) solutione magistrali & 3) coagulatione. Dum vero calcinationis apud authores fit mentio notandum, eos non intelligere proprie de auro; siquidem idem caliginatum in pulverem subtilissimum & impalpabilem attenuatur, ve-

ramque calcis formam mentiatur, cum tamen semper pristinæ suæ formæ restitui poterit, quod corporibus vere calcinatis non contingit e. g. calci lapidum. Cum itaque atrum nulla vi ignis communis, unanimi omnium chymicorum consensu, destrui potest, illorum opinio cadit, qui contrarium afferunt. *Quod si enim vere calcinari statueretur, consequens necessario esset, quoniam in illa calcinatione, substantiae humide & glutinosæ, sive mercuriales & Sulphureæ auri deperderentur, substantiaque tantum Salina cum terra aridissima & siccissima ac qualitatibus ignis abunde imbuta, reliqua fieret: quod aurum ita mercurio suo & sulphure spoliatum, etiam virtutum, quæ ab optima compositione & temperamento substantiarum invicem conjunctarum pendent, una fieret vacuum (x) Et licet aurum per addita Salia adeo immutetur, ut nulla amplius ejus vestigia cerni possint; si tamen in manus experti artificis incident, iterum restitui, atque in unum corpus liquari potest.* Calcinatio autem hæc duplici ratione instituitur, via scilicet humida, quæ & immessiva dicitur, peragiturque mediante aqua Regia; & via secca sive cementatoria, ope ignis, adhibitoque pulvere cementatorio.

§. VII.

Magnopere etiam disceptatur circa menstruum aurum solvens. Dum enim quidam corrosiva, corpori humano maxime inimica, abesse debere putant, insipida potius illis substituunt, iisque non secus ac per acriora menstrua auri corpus compactissimum in minimas partes resol-

(x) Angel. Sala. Chrysol. p. 130.

resolvere conantur. Menstruum itaque tale ex rore mali, aqua pluviali, nive &c. conficiunt. Sed quicquid etiam sententiae hujus patroni in medium proferre possent, id tamen certum multaque experientia comprobatum manet, metallum hoc in nullo alio, quam corrosivo menstruo ita solvi posse, ut potabile fiat. *Quia enim substantiae auria natura tam perfecte unitae sunt & combinatae invicem, ut nulla potentissimorum corrosivorum violentia intime dirimi ab invicem possunt: admodum ridiculum est & vesaniæ proximum, velle cum menstruo insipido non corrosivo, sed qualitatibus auri proportionato, vel essentiam, vel Tincturam ex auro extrahere.* (y) Quod vero menstrua corrosiva attinet, a quibus tantopere sibi metuunt, ea, lege artis a corpore metalli separari possunt, ita ut tuto cuilibet propinentur. Ita enim alia etiam corpora metallica, magni in medicina usus, solvuntur, & assundendo aquam simplicem edulcorantur. Præterea quoque, non omnia corrosiva, ex quibus menstrua hæc parantur, corpori nostro adeo infesta esse, dici potest: Quis enim ignorat, acetum aliasque rès acidas nos condimenti loço usurpare, & ad sustentandam vitam esse maxime necessarias, quæ tamen subiecta re ipsa corrosiva sunt (mitiora tamen) nam non tantum perlas, conchas, corallia solvunt, sed & plumbum, chalybemque corrodunt: Menstrua vero corrosiva ad aurum solvendum esse necessaria, ipse Paracelsus perspexit, dum monet: (z) *quod autem*

(y) Ang. Sala Chrysol. p. 144. porism. 3.

(z) In fragm. ad libri de gradat. & composit. fragm. 2. de præparatione & administratione remediiorum.

autem ex metallis est, id bac via tractari debet, ut metalla resolvantur in liquorem per salina & ut in corporibus suis maneant, quia corpus illorum mercurius est & est eorum vis. Quare non debet quæri modus quintæ Essentiæ extra corpus, sed corpus est id ipsum. Qui ita corrosivis utuntur, vel simplex illud atque usitatissimum menstruum Aquæ Regis adhibent, vel idem adhuc magis acre reddunt, addendo scil. aquæ fortis unc. viii. Sal. ammon. & Nitr. dep. ana unc. iii. Alii alio etiam & peculiari modo, scopo huic inserviens menstruum parant. Ita quidam primarium menstrui requisitum in eo ponunt, ut sit instar ignis: nam ut ignis diuturnior ferrum, cuprum, plumbum in pulverem redigit, eodem modo hoc menstruum, Sulphur philosophicum in alkohol convertit & ipsum menstruum aurum philosophicum in alkohol vertendo, transit ipsum in alkohol auro simile &c.

(a) Talia etiam menstrua fortia apud Cassium (b) descripta videri possunt. Cum vero multi, inter quos primus quasi Paracelsus notari meretur, viderent, irritum hunc laborem esse, per menstrua etiam corrosiva, aurum ita solvere velle, ut nullo modo reduci possit, excogitarunt menstruum quoddam universale. Quod an unquam in rerum natura extiterit, & non potius ens rationis sit, admodum dubito.

§. VIII.

Mediantibus ergo his menstruis aurum nondum in principia sua, vel, ut in Scholis Chymicorum loqui amant

(a) Vid. Hanemanni Xystus.

(b) in tract. de auto potab. qua de re etiam consuli possunt Illustr. Stahlii fundam. chym. p. 174. seqq.

mant, radicaliter resolutum est, ita ut amplius in pristinam formam reduci non posset; sed in minimas tantum particulas discontinuatum. Ulterius itaque labor a chymicis continuatur, isque multifariam. Purgato enim atque calcinato sic auro, volatile id reddunt, ita quidem, ut beneficio debiti cujusdam vehiculi per alembicum destilletur & abstrahatur. Vehiculum tale præbet oleum antimonii glaciale, Spir. Nitri bezoardicus, Spir. Sal. Spir. vin. Sale urinæ acuatus, quæ singula calci affusa toties ab eadem cohobantur, donec in formam liquidam sit redacta. Parari etiam solet Tinctura auri, calcem ejus cum simili quodam liquore, per certum temporis spatium digerendo, quo decantato, in fundo vasis sub forma olei rubicundi remanet, in quo vis menstruo solubili.

§. IX.

Hunc igitur in modum aurum in formam liquidam atque potabilem redactum, medicinam illam sic dictam universalem constituit, quæ a filiis sapientiae tot tantisque laudibus ad cœlum usque evehitur, cuius encomiis tot volumina scatent, ob singulares ejus ac plane divinas virtutes, quas possidere perhibetur. Et licet labor hic tam arduus periculique plenus sit, ob magnos sumptus, diligentiam indefessam, vigilantiam, patientiam, scientiamque in rebus chymicis non exiguum, imo ob evenitum ipsum incertum saepiusque contrarium; semper tamen inventi fuere & adhuc inveniuntur, qui eundem in se suscipere non abhorrent, magis tamen marsupium proprium quam salutem proximi respicientes atque cu-

rantes. Sed quales progressus laboratores ejusmodi, scripta ut plurimum antiquorum obscura pro norma selligentes, in labore isto herculeo, faciant, quidve obtineant, tristia exempla ubivis obvia satis superque testantur. Hinc enim apud multos tot quærelæ audiuntur, tot lacrymæ funduntur, plurimi in exilium abire atque mendicando vitæ prospicere coguntur, alii vero fata deceptorum experiuntur. Ast, cum mihi, artificum istorum statum deploratum, pluribus exponere hac vice non sit concessum, ad illos transeō, qui vere medicinam hanc per longum laborem consequuti sunt, paucisque commemorabo quales nam virtutes ei adscribant. Omnes in eo convenient, eandem Tincturam auri differre virtute ab auro crudo, raspato, aut in folia diducto. Virtus enim, quam possidet nec auro, nec menstruo solo adscribi poterit. Non menstruo solo: menstruum quippe cum diversis corporibus conjunctum, diversas quoque proprietates nanciscitur. Neque putet quispiam, tertium ex duobus hisce emergens, a parte quadam auri essentiali provenire e. g. a Sulphure ejusdem, beneficio menstrui extracti, cum eodemque combinati. Si enim hoc locum inveniret, calx auri, amissa hac parte corporis sui nobilissima, nulla arte reduci posset, cum tamen experientia contrarium nos doceat. Potius itaque statuendum est, menstruum uniri cum toto auro, non cum Sulphure ejusdem seorsim. Falluntur hinc plurimi qui putant Tincturam suam aureo Colore tinctam a Sulphure extracto provenire, cum tamen cogitare deberent, multa menstrua dari, quæ sine ullo additamento rubicundum adipiscuntur colorem: ex quibus unicum saltem

exem-

exempli loco adducam, Spiritum seilicet therebinthinae. Insignes vero virtutes, quæ auro potabili adscribuntur hinc inde legi possunt. Lubet nunc unicum saltem descriptionem medicamenti ejusmodi e scripto quodam (c) D. Joh. Henr. Bollmanni - Physici Quedlinburgensis apponere, in quo sequentem in modum differit: *Aurum est Ignis terrenus, purissimus efficacissimusque humano generi, tum sanitatis conservandæ, tum ægritudinum quodvis genus educandi, suppeditans thesaurum.* *Auri poculenti sive spiritualis vis, energia ac potentia est stupenda, cum sit omnium pharmorum alexipharmacum primum atque stupendum.* *Auri virtutes singulares admirari indagare que ad hominis incolumentatem obtinendam, inter cetera divini opificis opera licet.* *Aurum spirituale in corpus assumtum, non potest nisi corporis nostri elementa & humores ad temperiem reducere, superfluos ad æqualitatem & diminuatos reficere, putrefactiones omnes tollere, atque amica unione calore reficere, sanguinemque expurgare, augereque, nec solum ægritudines sanare, sed valetudinarios longævos reddere.* *Aurum vivificatum vires auget, illudque robustum reddit, fæces exsiccat, demit sanguinis superfluitates, ac suo splendore ac claritate exhilarat, illuminat, spiritus confortat, suo temperamento temperat & ab omnibus morbis præservat, sua mundicie ac puritate munit.* *Aurum, quando ex illo Spiritus vivificans, anima seu radii tingentes sunt educti, pestem e vestigio fugat ac virus ejus omne in momento eximit.* *Aurum si industria atque arte tractetur, in liquorem diffuit, ejusque anima seu*

C 2

lux,

(c) de duplice Oleo Auri, an. 1716, vulg,

lux, Spiritus vivificans, nullo auro conferendus, una elicatur. Corpora nostra tutius ab omni corruptela servari non possunt, quam alexipharmaco Solari, in quo est lux naturæ cœlestis, atque in luce labor, viresque vitæ efficacissimæ. Aurum in Sulphur temperatissimum & vivificum convertitur. Aurum in primam suam materiam resolvi debet, nam nisi resolvatur impossibile erit, ipsum in humano stomacho posse digeri. Auri debet fieri animatio, vivificatio, spiritualisatio & dissolutio. Aurum oportet radicaliter dissolvi. Ab aliis porro ei adscribitur vis diaphoretica, juvenibus vitam longævam expetentibus, commendatur, ut & senibus, quos viridi juventuti restituit, virgines & fæminas vegetas & formosas conservat, mensium fluxum emanentem revocat, partum promovet, & quæ sunt id genus alia. (d)

§. X.

Quemadmodum autem multiplices & variæ virtutes medicæ huic universali adscribuntur, ita non minus in tradendo modo ejusdem operandi, opiniones authorum variant. Quidam potentiam occultam auro inesse putant, quæ magnetice in actum dederunt. *Aurum enim cum sit metallum omnibus suis partibus temperatissimum in quo manifestarum qualitatum nulla prædominari animadvertisatur & quod cor confortet id non ab aliqua evidente qualitate provenit, sed omnium Hermeticorum consensu, & hæc ejus proprietas auctoritas, specifica, magnetica, occulta & forma vel tota potius substantia originem referens. (e) Alii*

ex

(d) Vid. Hadr. a Mynsicht, Armani, Med. Chym.

(e) Ang. Sala Chrysol. saxe sect, II, Part, II, p. 235.

ex symbolismo ejusdem cum Sole derivant, ita quidem, ut veluti a Sole totius universi conservatio dependet, ita aurum cum eo Symbolizans microcosmum conservat. Ipsam etiam calcem auri, sive aurum fulminans ob analogissimum quendam in corpore nostro operari. Quemadmodum enim ajunt, in aëre macrocosmi a calore externo in aëtum deductum, deorsum versus impetum suum exercet, ita a calore interno in ipsius microcosmi aërem agit, fœcesque per alvum educit. (f) Alii denique argumentum suum desumunt a perfectissima auri mixtione, & quod omni corruptioni resistat, hinc medicamentum quoque ex eo confectum ejusdem esse indolis ab omni corruptione corpora tueri. (g) Plurimi vero in ea opinione versantur, aurum potabile in humores nostri corporis agere, ita, ut illi, qui menstruum calci auri affusum, a Sulphure ejusdem tingi credunt, statuant, Sulphur hoc extractum sanguini associari, virtuteque sua balsamica eundem purificare.

§. XI.

Sed missis aliorum opinionibus, ut de propria similitudine, utque declarem, quantum auro sive in substantia, sive in forma liquida assumto, sit tribuendum, mihi jam incumbit. Omnem qua propter vim atque efficaciam, ipsi etiam auro crudo, denegare minime possum. Prostant quippe observationes fide dignissimæ, quæ testantur, manifestam utique efficaciam ab ejusdem usu fuisse conspettam. Ita legimus apud Ettmullerum (h) hypochondria-

C 3

co

(f) Idem in processu de auro potab. p. 274.

(g) vid. Stahlii fund. Chym. p. 169.

(h) In comment. Ludoviciano p. 499.

co melanchoicum globo aureo deglutito fuisse curatum. Vulnera aureo quodam instrumento inficta, nullum post se trahere inflammationem, experientia saepius iterumque compertum est. Neque omni virtute destitutum esse videtur aurum in folia diductum, variisque compositionibus additum. e. g. pulveri Marchionis, rubro Pannonicō, Sabaudico, analeptico frigido, contra abortum. Participant quoque de eodem aurea alexandrina Nicolai, aqua Carbunculi & aliæ compositiones quam plurimæ, quæ partim in dispensatoriis partim apud authores ipsos descriptæ inveniuntur. Non vero ab omnibus hæc approbantur. Sunt enim quidam Medicorum, qui auro crudo, raspato, aut foliis ejusdem omnem virtutem denegant. Inter quos in primis Zwelfferus notari meretur. Penotus (*i*) in illos, qui talia usurpant, sequentibus verbis invehitur: Ihrer viele lassen sich auch nicht allein von denen Land-Pfarrern und Quacksalbern, sondern auch von denen Herrn Medicis überreden, daß sie das Gold fein klein gesielet einnehmen, gleichsam ob sie Strausen Magen hätten, und wie derselbe das Eisen, sie auch das Gold darinne zu verdauen vermöchten. Etliche lassen sich auch gelüstet, in etlichen ihrer Art an denen fürnehmsten Electuariis und andern vielen medicamentis, als in Dithamaro, nach der Beschreibung des Nicolai, Elect, de gemmis, lætitiæ Galeni confectionibus Cardiacis, sowohl auch denen aureis alexandrinis, nicht allein das Gold an sich selbst zu essen, sondern man sollte und müsse auch aus güldenen Geschirren dasselbe essen und trinken. Hæc autem me non movent, neque eo adducere possunt, ut non credam, aurum in substantia, nullo adhuc modo immutatum, alicujus in medicina usus posse sed & revera esse.

Quis

(k) In Theophrasti Vade mecum p. 62.

Quis enim ignorat, limaturam martis tantæ virtutis esse, ut in multis affectibus eximum auxilium adferre, quotidie cernatur. Et licet in superioribus a me sit demonstratum aurum nullo menstruo vere & radicaliter solvi posse, ideo tamen, ut & alia corpora, sine ulla deperditione substantiæ suæ manifesta, in corpus nostrum agant. Ita vitrum antimonii millenas etiam affusiones admodum emeticas efficit, cum tamen nec pondus quidem granii ei decedat. Magisterium seu calx auri, solutione in aqua regia & præcipitatione per ol. tartari per deliq. obtenta, virtutem possidet catharticam, diaphoreticam, ad gr. iij. vel iiij. exhibita. Præcavet præterea convulsiones potentissime. (k) Si ergo aurum adhuc crudum talia præstat, quid non expectandum erit, si per alia admixta, ita adaptetur, ut tertium quoddam inde resultet, multis egregiis virtutibus præditum. Hinc medicamenta Solaria quæ hodiernis practicis in usu sunt, laude sua non destituuntur. Essentiam qua propter dulcem in multis convenire morbis diffiteri nemo poterit. In illis autem præcipue morbis, qui a motibus spastico-convulsivis proveniunt, egregiæ est efficaciæ. Conducit quapropter in catalepsi, convulsionibus, diarrhoea, hæmorrhoidibus suppressis, mania, melancholia, volvulo, palpitatione cordis &c. Non est autem necessum, ut modum operandi auri, medicamentorumque ex eo paratorum, a potentia quadam occultâ derivem, quæ magnetice, aut ob symbolismum, quem cum sole aurum habere dicitur, in actum deducatur. Res enim luce meridiana clarior est, ea unice in genus nervosum agere. Hinc neque in humores corporis nostri, uti quidam volunt, immediate operatnur, sed quatenus tunicas vasorum sanguiferorum nervas leniter adstringunt simulque confortant.

Jam vero super est, ut demonstrem, existentiam Panacearum, rationi & experientiæ repugnare. Si itaque sapientissimo creatori placuisset, thesaurum talem Pan. medicamenti, contra omnes causas morborum, in ipso auto recondere, quid opus fuisset,

(k) Nenter Fund. med. prax. Special. Tom. II. p. 931.

fuisse, amplissimo illo apparatu medicamentorum ex tribus re-
 gnis desumptorum, ab eoque humano generi concessorum. Cui
 prodesset contemplatio corporis humani, theoria hominis sani,
 historia morborum, notitia virium medicamentorum & aliorum
 in medicina scitu necessariorum, si brevissima tali facillimaque
 via fine ullo respectu ad causas morbificas, omne genus morbo-
 rum curari posset. Cum vero fundamenta medicinæ triplicem
 fontem morborum nobis monstrant, ipsa quoque medicamenta
 illis erunt accommodanda. Omnis enim causa morbifica respi-
 cit vel partes fluidas, vel solidas, aut ipsos motus. Ad partes
 fluidas præcipue refertur sanguis & lympha, qui humores vel abun-
 dantia vel defectu, vel intemperie peccant. Sanguis abundans fa-
 cile spissitudinem contrahit, congestiones & stagnationes causat,
 stases, inflammationes, infartus, scirrhos & exulcerationes pro-
 ducit. Serum & lympha causam morbis præbent, fluxu, suppres-
 sione, stagnatione & corruptione sua. Partium solidarum vitia,
 vel in conformatione læsa, vel in unitate soluta consistunt. Mo-
 tus præterea vel excedit, vel deficit, vel inordinate procedit. Pro di-
 veritate itaque causarum istarum diversæ etiam indicationes sunt
 formandæ. Ita, ubi humores abundant, evacuari debent per V. S.
 scarificationem, purgantia, vomitoria, remedia diuretica, diaphore-
 tica, errhina, expectorantia, vesicatoria, fonticulos, setacea. Defi-
 cientibus, nutrientia in usum trahuntur. Depravati vero per alteran-
 tia corriguntur. Partes porro solidæ læsæ remediis e fonte Chirur-
 gico desumptis curantur. Motus denique excedens sedandus, defi-
 ciens excitandus est. Jam quæso dicat mihi quis, qua ratione possibi-
 le sit, unico remedio, omnibus his indicationibus admodum diversis
 satisfacere. Certum itaque stabilitumque manet Patronos Panacea-
 rum oleum operamque perdere, dum labori huic inhiant. Natura e-
 nim nostra in statu etiam morbos ordine sibi consveto tractari vult,
 Lubet itaque coronidis loco, verba Excell. D. D. Quellmaltz Præce-
 ptoris mei æternum colendi, in collegio practico saepius iterumque
 prolata, repetere, nimirum: bonam methodum opti-
 mam esse Panaceam.

F I N I S.